

四庫全書

集部

欽定四庫全書

集部

御定全唐詩卷二百十六

詳校官庶吉士臣胡鉅

主事銜臣徐以坤覆勘

總校官知縣臣繆璘

校對官中書臣陳墉

謄錄監生臣冀士隆

欽定四庫全書

御定全唐詩卷二百十六

杜甫

杜甫字子美其先襄陽人曾祖依藝爲鞏令因居鞏甫  
天寶初應進士不第後獻三大禮賦明皇奇之召試文  
章授京兆府兵曹參軍安祿山陷京師肅宗即位靈武  
甫自賊中遯赴行在拜左拾遺以論救房琯出爲華州  
司功參軍關輔饑亂寓居同州同谷縣身自負薪采梠

舖糲不給久之召補京兆府功曹道阻不赴嚴武鎮成都奏爲參謀檢校工部員外郎賜緋武與甫世舊待遇甚厚乃於成都浣花里種竹植樹枕江結廬縱酒嘯歌其中武卒甫無所依乃之東蜀就高適既至而適卒是歲蜀帥相攻殺蜀大擾甫攜家避亂荆楚扁舟下峽未維舟而江陵亦亂乃泝沿湘流遊衡山寓居耒陽卒年五十九元和中歸葬偃師首陽山元稹志其墓天寶間甫與李白齊名時稱李杜然元稹之言曰李白壯浪縱

恣擺去拘束誠亦差肩子美矣至若鋪陳終始排比聲  
韻大或千言次猶數百詞氣豪邁而風調清深屬對律  
切而脫棄凡近則李尚不能歷其藩翰況堂與乎白居  
易亦云杜詩貫穿古今盡工盡善殆過於李元白之論  
如此蓋其出處勞佚喜樂悲憤好賢惡惡一見之於詩  
而又以忠君憂國傷時念亂爲本旨讀其詩可以知其  
世故當時謂之詩史舊集詩文共六十卷今編詩十九  
卷

奉贈韋左丞丈二十二韻

韋濟天寶七載爲河南尹遷尚書左丞

紆袴不餓死儒冠多誤身丈人試靜聽賤子請具陳甫

昔少

一作妙

年日早充觀國賓讀書破萬卷下筆如有神

賦料揚雄敵詩看子建親李邕求識面王翰願卜

一作爲

鄰自謂頗挺出

一作生一作特

立登要路津致君堯舜上再使

風俗淳此意竟蕭條行歌非隱淪騎驢三十載旅食

一作

客京華春朝扣富兒門暮隨肥馬塵殘杯與冷炙到處

潛悲辛主上頃見徵歛然欲求伸青冥却垂翅蹭蹬無

縱鱗

天寶中詔徵天下士有一藝者皆得詣京師就選李林甫抑之奏令考試遂無一人得第者甚

媿大人厚甚知大人真每於百寮上猥誦佳句新竊效貢公喜難甘原憲貧焉能心怏怏祇是走踈踈今欲東

入海即將西去秦尚憐終南山回首清渭濱常擬報一

飯沉懷辭大臣白鷗沒

一作波

浩蕩萬里誰能馴

送高三十五書記

高適渤海人解褐為封丘尉不就客遊河西哥舒翰奇之

表為書記

崆峒小麥熟且

一作吾

願休王師請公問主將焉用窮荒

爲積石軍每歲麥熟吐蕃獲之邊人呼爲吐蕃麥莊天寶六年哥舒翰掩擊大破之後不敢復至八載又克

其石堡城然自此用兵河西不已故追言戒之欲適告翰也飢鷹未飽肉側翅隨人

飛高生跨鞍馬有似幽并一作并州兒脫身薄尉中始與捶

楚唐薄尉有罪輒受鞭撻辭借問今何官觸熱向武威荅云一作言

一書記所媿國士知人實不易知更一作尤須慎其儀一作

宜十年出幕府自可持旌麾一作旗此行旣特達足以慰

所思一作亦足慰遠思男兒功名遂亦在老大時常恨結驩淺

各在天一涯又如參與商慘慘中腸一作中腸安不悲驚風吹



一作鴻鵠不得相追隨黃塵翳沙漠念子何當一作時歸

邊城有餘力早寄從軍詩

贈李白

二年客東都所歷厭機巧野人對羶腥蔬食常不飽豈

無青精

一作粃一作飢

飯使我顏色好苦乏大

一作買

藥資山林

迹如埽李侯金閨彥

一作深

脫身事幽討亦

一作未

有梁宋

遊方期拾瑤草

遊龍門奉先寺

龍門即伊闕一名闕口在河南府北四十里

已從招提遊更宿招提境陰壑生虛一作靈籟月林散清

影天闕

一作闕一作闕一作闕

象緯逼雲臥衣裳冷欲覺聞晨

鐘令人發深省

望嶽

岱宗夫如何齊魯青未了造化鍾神秀陰陽割昏曉盪  
胸生曾雲決眇入歸鳥會當凌絕頂一覽衆山小

陪李北海宴歷下亭

天寶初李邕為北海太守歷下亭在齊州以歷山得

名

東藩駐阜蓋北渚凌青荷

一作清河海內一作此亭古

濟南名士多

原注時邑人  
蹇處士在座

雲山已發興玉佩仍當歌修

竹不受暑交流空湧波蘊真愜所遇落日將如何貴賤  
俱物役從公難重過

同李太守登歷下古城員外新亭亭對鵲湖

原注

時李之芳自尚書  
郎出齊州置此亭

新亭結構罷隱見清湖陰跡籍臺觀舊氣冥一作海嶽

深圓荷想自昔遺堞感至今芳宴此時具

一作哀絲一作

絳千古心主稱壽尊客筵秩宴北一作密林不阻蓬華興

得兼

一作梁甫吟

玄都壇歌寄元逸人

故人昔隱東蒙峰已佩含景

公孫端劍銘含景吐商

蒼精龍

劍之在左

蒼龍象也

故人今居子午谷獨在

一作竝

陰崖結

一作白

茅屋屋

前太古玄都壇青石漠漠常

一作松

風寒子規夜啼山竹

裂王母畫下雲旗翻

一作蟠

知君此計成

一作誠

長往芝草

琅玕日應長鐵鑠

終南大秦嶺有采蜜人山行尋鐘聲而八至一寺旁有大竹林一二頃截

竹盛嶺歸以告成卒卒復往取竹見崖垂鐵鎖高垂不  
長三大掣鎖欲上二虎踞崖大呼驚怖而返

可攀致身福地何蕭爽

今夕行

原注自齊趙西  
歸至咸陽作

今夕何夕歲云徂更長燭明不可孤咸陽客舍一事無

相與博塞

一作賭博

爲歡娛馮陵大叫呼五白

招魂成梟而  
牟呼五白些

五白梟盧雄  
皆博齒也

袒跣不肯成梟盧

一作牟

英雄有時亦如此

邂逅豈即非良圖君莫笑劉毅從來布衣願家無儋石

輸百萬

欽定四庫全書

御定全唐詩

卷二百十六

六

貧交行

翻手作雲覆手雨紛紛輕薄何須數  
君不見管鮑貧時交此道今人棄如土

兵車行

車辚辚馬蕭蕭行人弓箭各在腰  
耶娘妻子走相送塵埃不見咸陽橋  
牽衣頓足闌橋作道哭哭聲直上千雲

霄道傍過者問行人行人但云點行頻  
或從十五北防

河開元十五年以吐蕃為邊害詔隴右河西兵集便至  
臨洮朔方兵集會州防秋至冬初無寇而罷

四十西營田去時里正

唐制百戶爲一里里置正一人

與裹頭歸來頭

白還

一作猶

戍邊邊亭

一作庭

流血成海水武

一作我

皇

唐人稱太

宗爲文皇明

開邊意未已君不聞漢家山東

太行之東唐都長安

凡河北諸道皆爲山東

二百州千村萬落生荆杞縱有健婦把鋤

犁禾生隴畝無東西況復秦兵耐苦戰被驅不異犬與

雞長者雖有問役夫敢申恨且如今年冬未休關

一作隴

西卒

一作役夫心益憤如今縱得休還爲隴西卒通鑑天寶九載十二月關西遊奕使王難得擊吐蕃克

五橋拔樹敦城

縣官急索租

一作縣官云急索

租稅從何出信知生男

欽定四庫全書

御定全唐詩

卷二百十六

七

惡反是生女好生女猶是

一作得

嫁比鄰生男

一作兒

埋沒

隨百草君不見青海頭古來白骨無人收新鬼煩冤舊

鬼哭天陰雨濕聲

一作悲

啾啾

朱長孺曰天寶十載鮮于仲通討南詔蠻士卒死者

六萬制大募兩京及河南北兵以擊南詔人莫肯應楊國忠遣御史分道捕人枷送軍所此詩序南征之苦設爲役夫問答之詞君不聞以下言征戍之苦海內騷騷不獨南征一役爲然也

高都護驄馬行

高仙芝開元末爲安西副都護

安西都護胡青驄聲價欵然來向東北馬臨陣久無敵

與人一心成大功功成惠養

緒白馬賦願終惠養

隨所致飄飄

一作



銀遠自流沙至雄姿未受伏檻恩猛氣猶思戰塲利腕

一作促蹄高如踏鐵交河幾蹴曾冰裂五花一作翦鬃爲辮或三花或

五花或云印以三花飛風之字散作雲滿身萬里方看汗流血長安壯

兒不敢騎走過掣電傾城知青絲絡頭爲君老何由却

出橫門道

長安城北出西頭第一門曰橫門其外有橫橋

天育驃騎

一本有圖字歌天育廐名未詳所出

吾聞天子之馬走千里今之畫圖無乃是是何意態雄

且傑駿

一作駿

尾蕭梢朔風起毛爲綠縹

一作驃

兩耳黃眼

有紫鰲雙瞳方矯矯

一作然

龍性

一作矯  
龍性逸

合

東坡書  
舍

變化

卓立天骨森開張伊昔太僕張景順監牧攻駒

一作考  
牧攻駒

一作考  
牧神駒

閱清峻遂令大奴

漢昌邑王使大奴以衣車載  
女子注奴之尤長大者此言

景順之牧  
馬奴耳

守

一作  
字

天育別養驥子憐神俊

一作駿

當時四

十萬匹馬張公歎其材盡下故獨寫真傳世人見之座  
右久更新年多物化空形影嗚呼健步無由騁如今豈  
無驪衰與驂騮時無王良伯樂死即休

白絲行

綠絲須長不須白越羅蜀錦金粟尺象

一作牀玉手亂

殷紅萬草千花動凝碧已悲素質隨時染

一作裂下鳴

機色相射美人細意熨帖平裁縫減盡鍼線迹春天衣

著爲君舞蛺蝶飛來黃鸝語落絮游絲亦有情隨風照

日宜

一作疑

輕舉香汗輕

一作清

塵汚顏色

一作似微汚一作作汚不著一作

似顏開新合故置何

一作相

許君不見才

一作志士汲引難

恐懼棄捐忍羈旅

### 秋雨歎三首

雨中百草秋爛死，階下決明顏色鮮。  
著葉滿枝翠羽蓋，開花無數黃金錢。  
涼風蕭蕭吹汝急，恐汝後時難獨立。  
堂上書生空白頭，臨風三歎馨香泣。

闌一作蘭

風長

去聲一作伏

雨

一作東風細雨

秋紛紛四海

一作八萬里

荒同一雲去，馬來牛不復。  
辨濁涇，清渭何當分。  
禾一作木

頭生耳，黍穗黑農夫。  
田婦一作父

無消息，城中斗米換一作作

抱衾裯，相許寧論兩相直。

長安布衣誰比數，反鎖衡門守環堵。  
老夫不出長蓬蒿。

穉子無憂走

音秦

風雨雨聲颼颼催早寒胡雁翅濕高飛

難秋來未曾

一作省

見白日塗汚后一作厚土何時乾

### 歎庭前甘菊花

檐

一作庭

前甘菊移時晚青蘂重陽不堪摘明日蕭條

醉盡

一作盡

醒殘花爛熳開何益籬邊野外多衆芳采擷

細瑣升中堂念茲空長大枝葉結根失所纏

一作埋風霜

### 醉時歌

原注贈廣文館博士鄭虔

諸公衮衮登臺

一作華

省廣文先生官獨冷甲第紛紛厭

梁肉廣文先生飯不足先生有道出義皇先生有才作一

文一作所談一作所該一作所批過屈宋德尊一代常轍軻一作名垂

萬古知何用杜陵野客人更一作見嗤被褐短窄一作六鬢

如絲日糴太一作泰倉五升米時赴鄭老同襟一作食期得

錢即相覓沽酒不復疑忘形到爾汝痛飲真一作直吾師

清夜沈沈動春酌燈一作檠前細雨檐一作燈花落但覺高

歌有一作感鬼神焉知餓死填溝壑相如逸才親滌器子

雲識字終投閣先生早賦歸去來石田茅屋荒蒼苔儒

銜於我何有哉孔丘盜跖俱塵埃不須聞此意慘愴生  
前相遇且銜杯

醉歌行

原注別從姪勤落  
第歸勤一作勸

陸機二十作文賦汝更小年能綴文總角草書又神速  
世上兒子徒紛紛驛騶作駒已汗血鵞鳥舉翮連青雲

詞源

賦一作賦

倒流

傾一作傾

三峽水筆陣獨埽千人軍只今年

生

一作纔

纔十六七射策君門期第一  
舊穿楊葉真自知暫

蹶霜蹄未爲失偶然擢秀非難取會是排風有毛質汝

身已一作見唾成珠汝伯何由髮如漆春光澹一作潭池

秦東亭渚蒲牙白水荇青風吹客衣日杲杲樹攬離思

花冥冥酒盡沙頭雙玉鉗衆賓皆一作已醉我獨醒乃知

貧賤別更苦吞聲踟躕涕淚零

贈衛八處士

人生不相見動如參與商今夕一作此復何夕共此燈燭

一作宿光少壯能幾時鬢髮各已蒼訪舊一作問半爲鬼

驚一作鳴呼熱中腸焉知二十載重上君子堂昔別君未



婚兒女忽成行怡然敬父執問我來何方問荅乃未已

一作未及已

兒女

一作驅兒

羅酒漿夜雨翦春韭

一作晨

炊間

一作

聞黃梁主稱會面難一舉累

一作蒙

十觴十

一作百

觴亦不

醉

一作辭

感子故意長明日隔山岳世事兩茫茫

苦雨奉寄隴西公兼呈王徵士

原注隴西公即漢中王瑀徵士

琅邪王徽

今秋乃淫雨仲月來寒風羣木水光下萬象

一作家

雲氣

中所思礙行潦九里信不通悄悄素澹路迢迢天漢東

願騰六尺馬

一作駒

背若孤征鴻劃見公

一作子面超然

歡笑同奮飛既胡越局促傷樊籠一飯四五起憑軒心

力窮嘉蔬沒混濁時菊碎榛叢鷹隼亦屈猛烏鵲何所

蒙式瞻北鄰居取適南巷翁挂席釣川漲焉知清興終

同諸公登慈恩寺塔

原注時高適薛據先有此作按寺乃高宗在東宮時

爲文德皇后立故名慈恩

高標跨蒼天

一作穹

烈風無時休自非曠

一作壯

士懷登茲

翻百憂方知象教力足

一作立

可追冥搜仰穿龍蛇窟始

出一作驚枝撐幽七星在北戶一作戶北河漢聲西流義和鞭

白日少昊行清秋秦一作秦山忽破碎涇渭不可求俯視

但一氣馬能辨皇州回首叫虞舜蒼梧雲正愁惜哉瑤

池飲一作燕日晏崑崙丘黃鵠去不息哀鳴何所投君看

隨陽雁各有稻粱謀

示從孫濟

濟字應物官給事中京兆尹

平明跨驢出未知一作委適誰門權門多噂喈且復尋諸

孫諸孫貧無事宅舍如荒村堂前自生竹堂後自生萱

萱草秋已死竹枝霜不蕃

一作翻一作繁

淘米少汲水汲多井

水渾刈葵莫放手放手傷葵根阿翁嬾惰久覺兒行步

奔所來

一作求

爲宗族亦不爲盤飧小人利口實

一作實利口

薄俗難可

一作具

論勿受外嫌猜同姓古所敦

九日寄岑參

參南陽人

出門復入門兩

一作雨

脚但如

一作仍

舊所向泥活活

一作浩浩

思君令人瘦沈吟坐西

一作秋

軒

一作吟軒窗下

飲

一作飯

食錯

昏晝寸步曲江頭難爲一相就吁嗟呼

一作乎

蒼生稼穡

不可救安得誅雲師疇能補天漏大明韜日月曠野號

禽獸君子強逶迤小人困馳驟維南有崇山恐一作淋與

川浸溜是節一作時東籬菊紛披爲誰秀岑生多新詩一作

語性亦嗜醇耐采采黃金花何由滿一作灑衣袖

送孔巢父謝病歸遊江東兼呈李白巢父字弱翁冀州人

與李白等隱徂徠號竹溪六逸

巢父掉頭不肯住東將入海隨煙霧詩卷長留天地間

釣竿欲拂珊瑚一作三珠樹深山大澤龍蛇遠春寒野陰風

景暮

一作花繁草  
青春日暮

蓬萊織

一作仙人玉

女回雲車指點虛無

是征

一作引歸

路自是君身有仙骨世人那得知其故惜君

只欲苦死留富貴何如草頭露

一作我欲苦留君富貴  
貴何如草頭易晞露

侯靜者意有餘清夜置酒臨前除罷琴惆悵月照

一作點

席幾歲寄我空中書南尋禹穴見李白道甫問信今何

如

一本云巢父掉頭不肯住東將入海隨煙霧書卷長  
攜天地間釣竿欲拂珊瑚樹我擬把袂苦留君富貴

何如草頭露深山大澤龍蛇遠花繁草青風景暮仙人  
玉女回雲車指點虛無引歸路若逢李白騎鯨魚道甫

問信今何如

飲中八仙歌

知章

賀知章會稽人  
自稱秘書外監

騎馬似乘船  
眼花落井水底眠  
汝

陽

諡皇帝長子  
璉封汝陽王

三斗始朝天  
道逢

一作

麴車口流涎  
恨

不移封向酒泉左相

李適之天寶元年為左丞相

日興費萬錢  
飲如

長鯨吸百川  
銜杯樂聖稱世

一作

賢宗之

崔宗之日用  
之子襲封齊

國瀟灑美少年  
舉觴白眼望青天  
皎如玉樹臨風前  
蘇

晉

晉珣之子官  
至左庶子

長齋繡佛前  
醉中往往愛逃禪  
李白一

斗詩百篇長安市  
上酒家眠  
天子呼來不上船  
自稱臣

是酒中仙張旭

旭善草書

三杯草聖傳脫帽露頂王公前揮

毫落紙如雲煙焦遂

甘澤謠布衣焦遂為陶峴客

五斗方卓然高談

雄辨驚四筵

曲江三章章五句

曲江在杜陵西北五里開元中開鑿為勝境南有紫雲樓

芙蓉苑西有杏園慈恩都人遊賞盛於中和上巳

曲江蕭條秋氣高菱荷枯折隨風濤遊子空嗟垂二毛

白石素沙亦相蕩哀鴻獨叫求其曹

即事非今亦非古長歌激越梢林莽比屋豪華固難數



吾人甘作心似灰弟姪何傷淚如雨

自斷此生休問天杜曲幸有桑麻田故將移住南山邊  
短衣匹馬隨李廣看射猛虎終殘年

麗人行

三月三日天氣新長安水邊多麗人態濃意遠淑且真

肌理細膩骨肉勻

繡畫一作

羅衣裳照暮春威金孔雀銀

麒麟頭上何所有翠微

爲一作

鈎

鳥反

合葉

一作

鈎

一作

垂鬢脣背

一作

後何所見珠壓腰褱

一作

褱

一作

股

穩稱身就中雲幕椒

房親賜名大國號與秦紫駝之峰

一作珍出翠釜水精之

盤行素鱗犀箸厭飫久未下鑿刀縷切空

一作坐紛綸黃

門飛鞚不動塵御廚絡繹

一作絲絡送八珍簫鼓

一作管哀吟

感鬼神賓從雜

一作合還實要津後來鞍馬何逡巡當軒

道

一作

下馬入錦茵楊花雪落覆

音副白蘋青鳥飛去銜紅

巾炙手可熱勢

一作世絕倫慎莫近

一作向前丞相嗔

明皇每年

十月幸華清宮楊國忠姊妹五家扈從每家爲一隊著一色衣五家合隊照暎如百花之煥發燦爛芳馥於路而國忠私於虢國不避雄狐之刺每入朝或聯鑣方駕不施憚慢同入禁中

樂遊園歌

原注晦日賀蘭楊長史筵醉中作英華作晦日賀蘭楊長史筵醉歌漢神

爵中起樂遊苑在萬年縣南亦名樂遊原唐長安中太平公主置亭原上每正月晦日三月三

日九月九日

士女畢集

樂遊古園萃

一作森爽煙縣碧草萋萋長公子華筵勢

最高秦川

水出秦嶺下一名樊川

對酒平如掌長生木瓢示

一作樂

真率更調鞍馬狂

一作雄

歡賞青春波浪芙蓉園白日雷

霆夾

一作甲

城仗闔闔晴開映

音迭一作映

蕩蕩曲江翠幕

排銀榜拂水低徊舞袖翻緣雲清切歌聲上却憶年年

人醉時只今未醉已先悲數莖白髮那拋得百罰一作刺

深杯亦

一作解

不辭聖朝亦

一作已

知賤士醜一物自

一作但

荷皇天慈

一作私

此身飲罷

一作罷飲

無歸處獨立蒼茫自詠

詩

漢陂行

陂在鄆縣西五里周一十四里

岑參兄弟皆好奇攜我遠來遊漢陂天地踰慘忽異色

波濤萬頃堆琉璃琉璃汗漫泛舟入事殊興極憂思集

罨作鯨吞不復知惡風白浪何嗟及主人錦帆相爲開

舟子喜甚無氛埃  
鳬鷺散亂櫂謳發  
絲管啁啾空翠來

沈竿續蔓

一作縵

深莫測菱

一作菱

葉荷花靜

一作淨

如拭宛

在中流渤澥清下歸無極

一作無地

終南黑半陂已南純

浸山動影裏窈沖融間船舫暝  
雲際寺雲際山有大安寺有水

面月出藍田關

即秦峽關在藍田縣南六十里

此時驪龍亦吐珠馮夷

擊鼓羣龍趨湘妃漢女出歌舞金支

房中歌金支秀華樂上衆飾也翠

旗光有無咫尺但愁雷雨至蒼茫不曉神靈意少壯幾

時柰老何向來哀樂何其多

欽定四庫全書

御定全唐詩

卷二百十六

十八

漢陂西南臺

高臺面蒼陂六月風日冷蒹葭離披去天水相與永懷

新目似擊接要心已領仿佛識鮫人空蒙辨魚艇錯磨

終南翠顛倒白閣

紫閣黃閣白閣三峰相去不甚遠

影嶂

一作峯

西京賦崑

峻嶂

增光輝

一作陰

乘陵

風賦乘陵高城

惜俄頃勞生媿嚴

遵鄭

樸外物慕張良

曼容

世復輕驂騑吾甘雜鼃黽知歸俗

可忽取適

一作足

事莫並身退豈待官老來苦便

平聲靜況

資菱芡足庶結茅茨迴從此具扁舟彌年逐清景

戲簡鄭廣文虔兼呈蘇司業源明

蘇源明武功人為東平太

守召爲國子司業

廣文到官舍繫

一作置

馬堂階下醉則

一作即

騎馬歸頗遭

官長罵才名四

一作三

十年坐客寒無羶賴

一作近

有蘇司

業時時與

一作乞

酒錢

夏日李公

一作家令

見訪

黃鶴云按宗室世系當是李炎時為太子家令

遠林暑氣薄公子過我遊貧居類村塢僻近城南樓旁

舍頗淳樸所願

一作須

亦易求陽屋喚西家借問有酒不

欽定四庫全書

御定全唐詩

牆頭過濁醪展席俯長流清風左右至客意已驚秋巢

多衆鳥鬬一作喧葉密鳴蟬稠苦道一作遭此物恬孰謂一作

語吾廬幽水花晚色靜一作淨庶足充淹留預恐尊中盡

更起爲君謀

奉同郭給事湯東靈湫作驪山溫湯之東有龍湫

東山即驪山氣鴻濛一作濛宮殿居上頭君來必十月樹羽

臨九州陰火煖玉泉噴薄漲巖幽有時浴赤日光抱空

中樓閣風入轍迹曠一作廣原一作野延冥搜沸一作拂天萬



乘動觀水百丈湫幽靈

一作斯

一作可佳

一作怪

王命官

屬休初聞龍用壯擘石摧林丘中夜窟宅改移因風雨

秋倒懸瑶池影屈注蒼

一作滄

江流味如甘露漿揮弄滑

且柔翠旗澹偃蹇雲車紛少留簫鼓蕩四溟異香泐漭

浮蛟

一作蛟

人獻微

一作徵

綃曾祝

穆天子朝於燕然奉壁南面曾祝佐之曾重也

沈豪牛百祥奔盛明古先莫能儔坡陀金蝦蟇

喻安出

見蓋有由至尊顧之笑王母

唐人多以王母比貴妃

不肯

一作遣

收

復歸虛無底化作長黃虬

一作龍

飄飄

一作飄

青瑣郎文

彩珊瑚鈎浩歌淶水曲清絕聽者愁

夜聽許十損

一作許十一  
一作許十無損字誦詩愛而有作

許生五臺

山在代州五臺縣

賓業白

寶積經有純白業五戒十善四禪四定皆屬善名

出石壁余亦師粲可

達摩傳慧可慧可傳粲

身猶縛禪寂何階子

方便謬引為匹敵離索晚相逢包蒙欣有擊

易九二包蒙上九擊

蒙

誦詩渾

一作混

遊行四座皆

一作俱

辟易應手看捶鈎清

心聽鳴鏑精微穿溟滓

音幸

飛動摧霹靂陶謝不枝梧風

騷共推激紫燕

一作鷺

自超詣翠駸

中曲之山有獸如馬爪牙如虎一角能食

豹名  
曰駁  
誰翦別君意人莫知人間夜寥闕

橋陵詩三十韻因呈縣內諸官

睿宗葬橋陵改蒲城爲奉先官

如赤縣

先帝昔晏駕茲山朝百靈崇岡擁象設沃野開天庭即  
事壯重險論功超五丁坡陀因一作厚地一作却略羅

峻屏雲闕虛冉冉風松肅泠泠石門霜露一作霧白玉殿

莓苔青宮女晚一作曉知曙祠官一作臣朝見星空梁簇畫

戟陰井敲銅鉉中使日夜一作相繼繼一作日夜惟王心不寧

豈徒卹備享尚謂求無形孝理敦國政神凝推道經瑞

芝產廟柱好鳥鳴

一作巢一作宿

巖扃高岳前律率洪河左滢

滢

朱長孺注謂滢玉篇同滢胡垌鳥迴二切無營音滢字玉篇韻畧俱無毛氏據此詩增恐非當作滢按類

篇滢玄扁切

金城蓄峻址沙苑交回汀永與奧區固川

原紛眇冥居然赤縣立臺榭爭宮亭官屬果稱是聲華

真

一作宜

可聽王劉美竹潤襄李春蘭馨鄭氏才振古啖

侯筆不停遣辭必中律利物常發硯綺繡相展轉琳琅

愈

一作迥

青熒側聞魯恭化秉德崔瑗銘太史候鳧影王

喬隨鶴翎朝儀限霄漢客思回林垞轍軻辭下杜飄飄

陵一作凌濁涇諸生舊短褐旅泛一浮萍荒歲兒女瘦暮

途涕泗零主人念老馬辟署一作宇容一作客秋螢流寓理

豈慙窮愁醉未醒何當擺俗累浩蕩乘滄溟

沙苑行

沙苑在馮翊縣南東西八十里南北三十里其地宜畜牧唐置沙苑監掌牛馬

諸牧

君不見左輔白沙如白水一作白繚以周牆百餘里龍

媒昔是渥洼生汗血今稱獻於此苑中駉牝三千匹豐

草青青寒不死食

音字

之豪健西域無

一作騰西域

每歲攻

一作

收一駒冠邊鄙王有虎臣司苑門入門天廡皆雲屯驕

驕一骨獨當御春秋二時歸

一作朝

至尊至尊內外馬盈

億

一作內外馬數將盈億

伏檻在垺空大存逸羣絕足信殊傑個

儻權奇難具論纍纍埶阜藏奔突往往坡陀縱超越角

壯翻同

一作騰

麋鹿遊浮深簸蕩鼃鼃窟泉

一作海

出巨魚

長比人丹砂作尾黃金鱗豈知異物同精氣雖未成龍

亦有神

驄馬行

原注太常梁卿敕賜馬也李鄧公愛而有之命甫製詩

鄧公馬癖人共知初得花驄大宛種夙昔傳聞思一見  
牽來左右神皆竦雄姿逸態何嶢嶢顧影驕嘶自矜寵  
隅目青熒夾鏡懸肉駿一作驥礮礮連錢動朝來久一作少

試華軒下未覺千金滿高價赤汗微生白雪毛銀鞍却

覆香羅怕卿家舊賜公取一作有之一作能天廐真龍此其

亞晝洗須騰涇渭深朝一作夕趨可刷幽并夜吾聞良

驥老始成此馬數年人更驚豈有四蹄疾於鳥不與八

駿俱先鳴時俗造次那得致雲霧晦冥方降精近聞下

詔喧都邑肯使

一作知有

騏驎地上行

去矣行

鮑欽止曰天寶十四載甫在率府數上賦頌不蒙采錄欲辭職去作去矣行

君不見見上鷹一飽則飛掣馬能作堂上燕銜泥附炎  
熱野人曠蕩無覩顏豈可久在王侯間未試囊中餐玉

法明朝且入藍田山

後魏李預椎玉七十枚為屑日服食之藍田山出美玉

自京赴奉先縣詠懷五百字

原注天寶十四載十二月初作

杜陵有布衣老大意轉拙許身一何愚

一作過

竊比稷與



契居然成落白首甘

一作苦

契

一作挈

閣蓋棺事則已此

志常觀豁窮年憂黎元歎息腸

一作腹

內熱取笑同學翁

浩歌彌激烈非無江海志蕭灑送

一作送

日月生逢堯舜

一作為

君不忍便永訣當今廊廟具構厦豈云缺葵藿傾

太陽物性固莫

一作難

奪顧惟螻螳輩但自求其穴胡爲

慕大鯨輒擬偃溟渤以茲悟

一作誤

生理獨恥事干謁兀

兀遂至今忍為塵埃沒終媿巢與由未能易其節沈飲

聊自適

一作遣

放歌頗愁絕歲暮百草零疾風高岡裂天

衡陰崢嶸客子中夜發霜嚴衣帶斷指直不得一作能結

凌晨過驪山御榻在嵎嶠尤塞寒空蹴蹋崖谷滑瑤

池氣鬱律羽林相摩戛君臣一作聖君留歡娛樂動殷樛嶠

一作膠葛一作蠟蝎一作湯嶠賜浴皆長纓華清宮內供奉兩湯外更有湯十六

所安祿山及將士楊國忠兄弟姊妹並賜浴賜食賜錢與宴一作謀非短褐彤庭所

分帛本自寒女出鞭撻一作箠其夫家聚斂貢城關聖人

筐篚恩實欲一作願邦國活臣如忽至理君豈棄此物多

士盈朝廷仁者宜戰慄況聞內金盤盡在衛霍室中堂

舞一作有神仙煙霧散一作蒙玉質煖客貂鼠裘悲管逐清

瑟勸客馳蹄羹霜橙壓香橘朱門酒肉臭路有凍死骨

榮枯咫尺異惆悵難再述北轅就涇渭官渡又改轍羣

水一作水從西下極目高崕兀疑是崆峒來恐觸天柱折

河梁幸未圯枝撐聲窸窣行旅相攀援川廣不一作且可

越老妻寄一作既異縣十口隔風雪誰能久不顧庶往共

飢渴入門聞號咷幼子飢一作餓已卒吾寧舍一哀里巷

亦一作猶鳴咽所媿爲人父無食致天折豈知秋禾一作禾

登貧窶有倉卒生常一作當免租稅名不隸征伐撫迹猶

獨一作酸辛平人固騷屑默思失業徒因念遠戍卒憂端

齊一作際終南瀕洞不可掇

奉先劉少府新畫山水障歌

英華題作新畫山水障歌奉先尉劉

單宅作

堂上不合生楓樹怪底江山一作山川起煙霧聞君埽却赤

縣圖乘興遣畫滄洲趣畫師亦無數好手不可遇對此

融心神知君重毫素豈但祁岳

畫錄有名無迹者二十五人祁岳在李國恒之

上一云乃祁樂之誤  
岑參有送祁樂詩  
與鄭虔筆迹遠過楊契丹  
隋參軍楊契丹

山東人六  
法兼修  
得非懸圃裂  
一作圻  
無乃瀟湘翻悄然坐我天

姥下耳邊已似聞清猿  
反思前夜風雨急  
乃一作是蒲

一作滿  
城鬼神入元氣  
淋漓障猶濕  
真宰上訴天  
應泣野

亭春還雜花遠  
漁翁暝蹋孤舟立  
滄浪水深青冥闊  
一作作

滄浪之水  
深且闊  
欹岸  
一作峰  
側島  
一作岸  
秋毫末不見  
湘妃鼓瑟

時至今斑竹臨江活  
劉侯天機精  
愛畫入骨髓  
自有兩

兒郎揮灑亦莫比  
大兒聰明到能添  
老樹巔崖裏  
小兒

心孔開貌

邈音

得山僧及童子若耶溪雲門寺

俱在會稽

吾獨

胡爲在泥滓青鞵布鞵從此始

白水

即奉先

縣崔少府十九翁高齋三十韻

原注天寶

十五載

五月作

客從南縣來浩蕩無與適旅食白日長況當朱炎赫高

齋坐林杪信宿游行闌清晨陪躋攀傲晚俯峭壁崇岡

相枕帶曠野懷

一作迴一作迴

咫尺始知賢主人贈此遣愁寂

危階根青冥曾冰生浙瀝上有無心雲下有欲落石泉

聲聞復急

一作息

動靜隨所擊

一作激

鳥呼藏其身有似懼

彈射吏隱道

一作適一作識

性情茲焉其窟宅白水見舅

氏諸翁乃仙伯杖藜長松陰作尉窮谷僻為我炊雕胡

逍遙展良覲坐久風頗愁

一作怒

晚來山更碧相對十丈

蛟歛翻盤渦圻何得空裏雷殷殷尋地脈煙氛

一作氣藹藹

嶠

一作嶠

崑崙森慘戚崑崙崆峒巔回首如

一作知

不隔

前軒頽

一作摧

反照巉絕華岳赤兵氣漲林壑川光雜鋒

鏑知是相公軍

天寶十四載祿山反拜哥舒翰為兵馬副元帥以討祿山明年正月加同平章

事鐵馬雲

一作煙

霧積玉觴淡無味胡羯豈強敵長歌激

屋梁淚下流衽席人生半哀樂天地有順逆慨彼萬國

夫休明備征狄

一作敵

猛將紛填委廟謀蓄長策東郊何

時開帶甲且來

一作未

釋欲告清宴罷

一作瘳

難拒幽明迫

三歎酒食旁何由似平昔

三川觀水漲二十韻

原注天寶十五載七月中避寇時作按三川屬郾以

華池黑水洛水同會得名

我經華原來不復見平陸北上唯土山連天走窮

一作穹



谷火雲無時出

一作出無時

飛電常在目自多窮岫雨行潦

相逐

一作

威葢

音烏

音

音閭又

川氣黃羣流會空曲清晨

望高浪忽謂陰崖踣

音

恐泥竄蛟龍登危聚麋鹿枯查

卷拔樹礪硯共充塞聲吹鬼神下勢閱人代速不有萬

穴歸何以尊四瀆及觀泉源漲反懼江海覆漂沙圻岸

去

一作

漱壑松柏禿乘陵

一作

破山門回斡裂

一作

地

軸交洛赴洪河及關豈信宿應沉數州沒如聽萬室哭

穢濁殊未清風濤怒猶蓄

一作

何時通舟車陰氣不作

亦蹉躓浮生有蕩汨吾道正羈束人寰難容身石壁滑  
側足雲雷此一作屯不已艱險路更跼普天無川梁欲濟  
願水縮因悲中林士未脫衆魚腹舉頭向蒼天安得騎  
鴻鵠

悲陳陶

陳濤斜在咸陽縣一名陳陶澤至德元年十月房琯與安守忠戰敗績於此

孟冬十郡良家子血作陳陶澤中水野曠一作廣天清一作作

睛無戰聲四萬義軍同日死羣胡歸來血一作雪洗箭仍

唱

一作拊箭

胡歌飲都市都人回面向北啼日夜更望官軍

至

一作前後官軍苦如此

### 悲青坂

我軍青坂在東門天寒飲馬太白窟黃頭奚兒日向西

數騎彎弓敢馳突山雪河水野

一作晚一作已

蕭颺一作颺青

是烽

一作人

煙白人骨馬得附書與我軍忍待明斗莫倉

卒

蘇軾曰琯既敗猶欲持重有所伺而中人邢延恩等促戰倉皇失據遂及於敗故後篇云

### 哀江頭

少陵

漢宣帝葬杜陵許后葬南園謂之小陵後人呼為少陵杜甫家焉

野老吞聲哭春

日潛行曲江曲江頭宮殿鎖千門細柳新蒲為誰綠憶昔霓旌下南苑苑中萬物生顏色昭陽殿裏第一人同

輦隨君侍君側輦前才

一作詞

人帶弓箭白馬嚼

一作嚙

齧

黃金勒翻身向天

一作空

仰射雲一箭

一作發

正墜雙飛

翼明眸皓齒今何在血污遊魂歸不得清渭東流劒閣

深去住彼此無消息人生有情淚霑臆江水

一作草

江花

豈終極黃昏胡騎塵滿城欲往城南忘南

一作北

哀王孫

舊書天寶十五載六月九日潼關不守十二日明皇自延秋出幸蜀親王妃主

俱不  
及從

長安城頭頭

一作多  
一作頸

白鳥夜飛延秋門上呼又向

一作來

人家啄大屋屋底達官走避胡金鞭斷折九馬死骨肉

不待

一作得

同馳驅腰下寶玦青珊瑚可憐王孫泣路隅

問之不肖道姓名但道困苦乞為奴已經百日竄荆棘

身上無有完肌膚高帝子孫盡隆

一作高

準音拙龍種自與

常人殊豺狼在邑龍在野王孫善保千金軀不敢長語

臨交衢且為王孫立斯須昨夜東

一作春

風吹血腥東來

索

一作駝駝

駝滿舊都朔方健兒好身手昔何勇銳今何愚

竊聞天

一作太子

子已傳位聖德北服南單于花門勢面請

雪恥慎勿出口他人狙哀哉王孫慎勿疎五陵佳氣無

時無

大雲寺贊公房四首

武后幸光明寺沙門宣政進大雲經中有女主之符

因改為大雲經寺

心在水精域衣霑春雨時洞門盡徐步深院果幽期到

倒

一作扉

一作履

開復閉撞鐘齋及茲醍醐長發性飲

一作

飯食過扶衰把臂有多日開懷無媿辭黃鸝一作鶯度結

構紫鴿下呆愚

一作愚一作芳菲芳

意會所適花邊行自遲湯

休起我病微笑索題詩

細軟青絲履光明白氎巾深藏供老宿取用及吾身自

顧轉無趣交情何尚新道林才不世惠遠德過人雨瀉

暮檐竹風吹青

一作春

井芹天陰對圖畫最覺潤龍鱗

燈影照無睡心清聞妙香夜深殿突兀風動金銀鐺天

黑閉春院地清棲暗芳玉繩回斷絕鐵鳳森翱翔梵放

時出寺鐘殘仍殷牀明朝在沃野苦見塵沙黃

童兒汲井華慣捷

一作健

併上

一作在手霑灑不濡地埽除

似無帚明

一作晨

霞爛複閣霽霧塞高牖側塞被徑花飄

飄委墀

一作階

柳艱難世事迫隱遯佳期後晤語契深心

那能總箝口奉辭還杖策暫別終回首泱泱

一作決決

泥污

人听听

與信同

國多徇既未免羈絆

一作寓

時來憇奔走近

公如白雪執熱煩何有

御定全唐詩卷二百十六



欽定四庫全書

御定全唐詩卷二百十七

杜甫

蘇端薛復筵簡薛華醉歌

文章有神交有道端復得之名譽早愛客滿堂盡豪翰

一作傑開筵上日一作月思芳草安得健步移遠梅亂插繁

花向晴昊千里猶殘舊冰雪百壺且試開懷抱垂老惡

聞戰鼓悲急

一作月

觴為緩憂心擣少年努力縱談笑看

我形容已枯槁坐中薛華善

一作能

醉歌歌辭自作風格

老近來海內為

一作無

長句汝與山東李白好何

遜

劉綽

沈約謝

朓

力未工才兼鮑昭愁絕倒諸生頗盡新知樂

萬事終傷不自保氣酣日落西風來願吹野水添

一作注

金杯如澠之酒常快意亦

一作不

知窮愁

一作未

安在哉

忽憶雨時秋井塌古人白骨生青苔如何不飲令心哀

晦日尋崔戢李封

朝光入甕牖

一作尸

一作方宴

寢驚敞裘起行視天宇春氣漸

和柔興來

一作得興  
一作乘興

不暇嬾今晨梳我頭出門無所待

徒步覺自由杖藜復恣意免值公與侯晚定崔李交會

心真罕儔每過得酒傾

一作契

二宅可淹留喜結仁里歡

況因令節求李生園欲荒舊

一作有

竹頗修修引客看埽

除隨時成獻酬崔侯初筵色已畏空尊愁未知天下士

至

一作志

性有此不草牙既青出蠶聲亦暖遊思見農器

陳何當甲兵休上古葛天民

一作氏

不貽黃屋

一作綺

憂至

今阮籍等熟醉為身謀威鳳高其

一作自高

翔長鯨吞九州

地軸為之翻百川皆亂流當歌欲一放淚下恐莫收濁  
醪有妙理庶用一作與慰沈浮

雨過蘇端原注端  
置酒

雞鳴風雨一作雲交久旱雲一作雨亦好杖藜入春泥無食

起我早諸家憶所歷一飯一作飽迹便一作更埽蘇侯得數

過歡喜每傾倒也復一作復也可憐人呼兒具梨棗濁醪必

在眼盡醉攄懷抱紅稠屋角花碧委一作秀牆隅草親賓

縱一作絕談謔喧鬧畏一作慰衰老沉蒙霈澤垂糧粒或自

保妻孥隔軍壘撥棄不擬道

喜晴

一作喜雨

皇天久不雨既雨晴亦佳出郭眺西郊肅肅

一作蕭蕭

春增

華青熒陵陂麥窈窕桃李

一作杏

花春夏各有實我飢豈

無涯干戈雖橫放慘澹鬪龍蛇甘澤不猶愈且耕今未

賒丈夫則帶甲婦女終在家力難及黍稷得種菜與麻

千載商山芝往者東門瓜其人骨已朽

一作滅

此道誰疵

瑕英賢遇輶軻遠引蟠泥沙顧慙昧所適回首白日斜

漢陰有鹿門滄海有靈

一作雲

查焉能學衆口咄咄空

一作

同咨嗟

送率府程錄事還鄉

原注程攜酒  
饌相就取別

鄙夫行衰謝抱病昏妄

一作忘

集常時往還人記一不識

十程侯晚相遇與語才傑立熏然耳目開頗覺聰明入

千載得鮑叔末契有所及意鍾

一作中

老栢青義動修蛇

蟄若人可數見慰我垂白泣告

一作生

別無淹晷百憂復

相襲內媿突不黔庶羞以

一作明似

賙給素絲挈長魚碧酒

隨玉粒途窮見交態世梗悲路澀東風吹春冰決莽一作  
潁后土濕念君惜羽翮既飽更思戢莫作翻雲鵲聞呼  
向禽急

述懷一首

此已下自賊中  
竄歸鳳翔作

去年潼關破妻子隔絕久今夏草木長脫身得西走麻  
鞋見天子衣袖露兩肘朝廷慙生還親故傷老醜涕淚  
授拾遺流離主恩厚柴門雖得去未忍即開口寄書問  
三川不知家在否比聞同罹禍殺戮到雞狗山中漏茅

屋誰復依戶牖摧頽蒼松根地冷骨未朽幾人全性命

盡室豈相偶欽岑

一作峯

猛虎場鬱結回我首自寄一封

書今已十月後反畏消息來寸心亦何有漢運初中興

生平老耽酒沈思歡會處恐作窮獨

一作途

叟

### 送長孫九侍御赴武威判官

驄馬新鑿蹄銀鞍被來好繡衣黃白

北齊樂曲懷黃綰白疑指金銀印

郎騎向交河道問君適萬里取別何草草天子憂涼州

嚴程到湏早去秋羣胡反不得無電埽此行收

一作收遺



毗風俗方再造族父領元戎

時杜鴻漸為河西節度使名聲國閣一作

中老奪我同官良飄飄按城堡使我不能餐令我惡懷

抱若人才思闊溟漲浸

漫一作

絕島尊前失詩流塞上得

一作多

國寶皇天悲送遠雲雨白浩浩東郊尚烽火朝野

色枯槁西極柱亦傾如何正穹昊

### 送樊二十三侍御赴漢中判官

威弧不能弦

弧矢星擬射狼弧不直狼則盜賊起

自爾無寧歲川谷血橫

流豺狼沸相噬天子從北來

靈武在鳳翔北

長驅振凋敝頓兵

岐梁下却跨沙漠裔二京陷未收四極我得制蕭索

一作

瑟漢水清緬通淮湖稅使者紛星散王綱尚旒綴南伯

從事賢君行立談際生

一作坐

知七曜歷手畫三軍勢冰

雪淨聰明雷霆走精銳幕府輟諫官朝廷無此

一作例

至尊方盱食仗爾布嘉惠補闕暮徵入柱史晨征慙

一作

補闕入柱史晨征固多慙

正當艱難時實藉長久計回風吹獨樹白

日照執袂慟哭蒼煙根山門萬重

一作里

閉居人莽牢落

遊子方迢遞衰回悲生離局促老一世陶唐歌遺民後

漢更列

一作別

帝恨無匡復姿

一作資

聊欲從此逝

送從弟亞赴安西

一作河西

判官

杜亞字次公京兆人肅宗在靈武上

書論時政授校書郎時杜鴻漸節度河西辟為從事

南風作秋聲殺氣薄炎熾盛夏鷹隼擊時危異人至今

弟草中來蒼然

一作茫

請論事詔書引上殿奮舌動天意

兵法五十家爾腹為篋笥應對如轉丸

一作圖

疏通略文

字經綸皆新語足以正神器宗廟尚為灰君臣俱

一作皆

下淚崆峒地無軸青

一作清

海天軒輊

一作輓見潘岳賦

西極最

瘡痍連山暗烽燧帝曰大布衣藉卿佐元帥坐看清流  
沙所以子奉使歸當再前席適遠非歷一作虛試須存武

威郡為畫長久利孤峰石戴驛快馬金纏轡黃羊飫不

羶蘆

一作魯

酒多還醉踴躍常人情慘澹苦士志安邊敵

何有反正計始遂吾聞駕鼓車不合用騏驎龍吟回其  
頭夾輔待所致

送韋十六評事充同谷郡防禦官

昔沒賊中時潛與子同遊今歸行在所王事有去留偏

側兵馬間主憂急良籌子雖軀幹小老

一作志

氣橫九州

挺身艱難際張目視寇讐朝廷壯其節奉詔令參謀鑾

輿駐鳳翔同谷為咽喉西扼弱水道南鎮枹罕

一作氏羌陬

此邦承平日剽劫吏所羞況乃胡未滅控帶莽悠悠府

中韋使君道足示懷柔令姪才俊茂二美又何求受詞

太白脚走馬仇池頭古色

一作邑

沙土裂積陰雪雲

一作霜雪

稠

一作陰雲稠

羗父豪豬靴

一作帽

羗兒青兕裘

一作黑貂裘

吹角向月窟蒼山旌旆愁鳥驚出死樹龍怒拔老湫古

來無人境今代橫戈矛傷哉文儒士憤激馳林丘中原  
正格鬪後會何緣由百年賦命定豈料沈與浮且復戀  
良友握手步道周論兵遠壑淨一作靜亦可縱冥搜題詩  
得秀句扎翰時相投

塞蘆子

蘆子關屬夏州北去塞門鎮一十八里

五城

方鎮表朔方節度鎮定遠安豐二軍及三受降城為五城

何迢迢迢迢隔河水

邊兵盡東征城內空荆杞思明割懷衛秀巖西未已迴

一作迴

略大荒來

一作東

嶠函蓋虛爾延州

塞門鎮本屬延州開元二年移

就蘆子關秦北戶關防猶可倚焉得一萬人疾驅塞蘆子岐

一作頃

有薛大夫

薛景仙為扶風太守賊寇至擊却之

旁制山賊起近聞昆

戎徒為退三百里蘆關扼兩寇深意實在此誰能一作敢

叫帝閤

一作門

胡行速如鬼

彭衙行

郿陽縣西北有彭衙城

憶昔避賊初北走經險艱夜深彭衙道一作門

月照白水

山盡室久徒步逢人多厚顏參差谷鳥吟一作鳴

不見遊

子還癡女飢齧我啼畏虎狼

一作猛虎

聞懷中掩其口反側

聲愈嗔小兒強解事故索苦李餐一旬半雷雨泥濘相

牽攀既無禦雨

一作濕

備徑滑衣又寒有時經

一作最

契闊

竟日數里間野果充饌糧卑枝成屋椽早行石上水暮

宿天邊煙少留周

一作固一作同

家窪欲出蘆子關故人有孫

宰高義薄曾雲延客已曛黑張燈啟重門煖湯濯我足

翦紙招我魂從此出妻孥相視涕闌干衆雛爛熳睡喚

起霑盤餐誓將與夫子永結為弟昆遂空所坐堂安居

奉我歡誰肯艱難際豁達露心肝別來歲月周胡羯仍



構患何當有翅翎飛去隨我前

北征

原注歸至鳳翔墨制放往鄜州作按鄜在鳳翔東北故曰北征

皇帝二載秋閏八月初吉杜子將北征蒼茫問家室維

時遭艱虞

一作危

朝野少暇日顧慙恩私被詔許歸蓬蓽

拜

一作奉

辭詣闕下

一作閣門

怵惕久未出雖乏諫諍姿恐君

有遺失君誠中興主經緯固密勿東胡反未已臣甫憤

所切揮涕戀行在道途

一作路

猶恍惚乾坤含

一作合

瘡痍

憂虞何時畢靡靡踰阡陌人煙眇蕭瑟

一作索

所遇多被

傷呻吟更流血回首鳳翔縣旌旗晚明滅前登寒山重

屢得飲馬窟邠郊入地底涇水中蕩滴猛虎立我前蒼

崖吼時裂菊垂今秋花石戴

一作帶一作戴

古車轍青雲動高

興幽事亦可悅山果多瑣細羅生雜橡栗或紅如丹砂

或黑如點漆雨露之所濡甘苦

一作酸

齊結實緬

一作縹

思

桃源內益歎身世拙坡陀望鄜時巖谷

一作谷巖

互出沒我

行已水濱我僕猶木末鷗鳥

一作泉

鳴黃桑野鼠拱亂穴

夜深

一作中

經戰場寒月照白骨潼關百萬師往者散

一作

敗何卒遂令半秦民殘害為異物況我墮一作隨胡塵及

歸盡華髮經年至茅屋妻子衣百結慟哭松聲回一作迴

悲泉共幽一作鳴咽平生所嬌兒顏色白勝雪見耶背面

啼垢膩脚不韞牀前兩小女補綻才一作繞過邾海圖圻

波濤舊繡移曲折天吳及紫鳳顛倒在短一作短褐老夫

情懷惡嘔泄一作咽臥數日一作數日那無囊中帛救汝

寒凜慄粉黛亦解一作色衾綢稍羅列瘦妻面復光癡

女頭自擲學母無不為曉妝隨手抹移時施朱鉛狼藉

畫眉闊生還對童穉似欲忘飢渴問事競挽鬚誰能卽  
嗔喝翻思在賊愁甘受雜亂聒新歸且慰意生理焉能

說

一作脫

至尊尚蒙塵幾日休練卒仰觀

一作看

天色改坐

一作旁

覺祆氣

一作氣

豁陰風西北來慘澹隨回鶻

一作紀

其

王願助順其俗善

一作喜

馳突送兵五千人驅馬一萬匹

此輩少為貴四方服勇決所用皆鷹騰破敵過

一作如

箭

疾聖心頗虛佇時議氣欲奪伊洛指掌收西京不足拔

官軍請深入蓄銳何

一作一作伺

俱發此舉開青徐旋瞻略

恒碣昊天積霜露正氣有肅殺禍轉亡胡歲勢成擒胡  
月胡命其能久皇綱未宜絕憶昨一作昔狼狽初事與古

先別姦臣竟菹醢同惡隨蕩析不聞夏殷當作殷周衰中自

誅褒姒周漢獲再興宣光果明哲桓桓陳將軍仗鉞奮

忠烈微爾人盡非于今國猶活淒涼大同殿寂莫白獸

闐都人望翠華佳氣向金闕園陵固有神埽灑數不缺

煌煌太宗業樹立甚宏達

得舍弟消息

風吹紫荊樹色與春庭暮花落辭故枝風回返一作無

處骨肉恩書重漂泊難相遇猶有淚成河經天復東注

徒步歸行

原注贈李特進自鳳翔赴鄜州途經邠州作

明公壯年值時危經濟實藉英雄姿國之社稷今若是  
武定禍亂非公誰鳳翔千官且飽飯衣馬不復能輕肥  
青袍朝士最困者白頭拾遺徒步歸人生交契無老少  
論交一作心何必先同調妻子山中哭向天須公握上追

風標

玉華宮

貞觀二十一年作玉華宮後改為寺在宜君縣北鳳皇谷

溪回

一作迴

松風長蒼鼠竄古瓦不知何王殿遺構絕壁

下陰房鬼火青壞道哀湍瀉萬籟真笙竽

一作竽瑟

秋色一作

氣一作光

正一作極

蕭灑美人為黃土況乃粉黛假當時侍金

輿故物獨石馬憂來藉草坐浩歌淚盈把冉冉征途間誰是長年者

九成宮

本隋仁壽宮貞觀修以避暑更名九成在麟遊縣西五里

蒼山入百里崖斷如杵臼曾宮憑風回

一作迴

岌業土囊

欽定四庫全書

卷二百十七

口立神扶棟梁

一作宇

鑿翠開戶牖其陽產靈芝其陰宿

牛斗紛披

一作扶

長松倒

一作側

揭巖怪石走哀猿啼一聲

客淚迸林藪荒哉隋家帝製此今頽朽向使國不亡焉

為巨唐有雖無新增修尚置

一作署

官居守

九成宮置總監一人副監

一人丞簿錄事各一人

巡非瑤水遠迹是雕牆後我行

一作來

屬時

危仰望嗟歎久天王守

音符

太白駐馬更搔

一作回

首

羌村

崢嶸赤雲西日脚下平地柴門鳥雀噪歸客

一作客子

千里



至妻孥怪我在驚定

一作走

還拭淚世亂遭飄蕩生還偶

然遂鄰人滿牆頭感歎亦歔歔夜闌更秉燭相對如夢寐

晚歲迫偷生還家少歡趣嬌兒不離郝畏我復却去憶

昔好追涼故繞池邊樹蕭蕭北風勁撫事煎百慮賴知

禾黍

一作黍一作黍稌

收已覺糟牀注如今足斟酌且用慰遲

暮

羣雞正

一作忽

亂叫客至雞鬪爭

一作正生

驅雞上樹木始聞

叩柴荆父老四五人問我久遠行手中各有攜傾盪濁

復清苦

一作莫

辭酒味薄黍地無人耕兵革既未息兒童

一作即

盡東征請為父老歌艱難媿深

一作餘

情歌罷仰天

歎四座淚縱橫

偏仄

一作側

行贈畢曜

一作作憊憊

憊憊行篇中字亦作贈畢四曜

偏仄何偏仄我居巷南子巷北可恨鄰里間十日不一

見顏色自從官馬送還官行路難行澀如棘我貧無乘

非無足昔者相過今不得實不是

一作未敢

愛微軀

一作相訪

又非關足無力

一本二句起處  
無實又二字

徒步翻愁官長怒此心

炯炯君應識曉來急雨春風顛睡美不聞鐘鼓傳東家

蹇驢許借我泥滑不敢騎朝天已令請急會通籍

一作已令

把牒還  
請假

男兒信

一作性

命絕可憐焉能終日心拳拳憶君

誦詩神凜然辛夷始花亦

一作又

已落況我與子非壯年

街頭酒價常苦貴方外酒徒稀醉眠速宜

一作徑須

相就飲

一斗恰有三百青銅錢

建中三年置肆釀  
酒斛收直三十

送李校書二十六韻

李舟隴西人後封隴西縣  
男父岑水部郎中眉州刺

史

代北有豪鷹生子毛盡赤渥注騏驎兒

一作種

尤異是龍

一作虎

脊李舟名父子清峻流

一作時

輩伯人間好

一作妙

少

年不必須白哲十五富文史十八足賓客十九授校書

二十聲輝

一作燁一作煒

赫衆中每一見使我潛動魄自

恐二男兒辛勤養無益乾元元

一作二

年春萬姓始安宅

舟也衣綵衣告我欲遠適倚門固有望歛衽就行役南

登吟白華已見楚山碧藹藹咸陽都冠蓋日雲

一作已如積

何時太夫人堂上會親戚  
汝翁草明光天子正前席歸

期豈爛漫

一作慢

別意終感激  
顧我蓬屋姿  
謬通金閨

一作

門籍小來習性嬾  
晚節

一作歲

慵轉劇  
每愁悔吝作如覺

天地窄  
美君齒髮新行已能夕  
惕臨岐意頗切  
對酒不

能喫  
回身視綠野  
慘澹如荒澤  
老雁春忍

一作忍春

飢哀號

待枯麥  
時哉高飛燕  
絢練新羽翮  
長雲濕裊斜  
漢水饒

巨石無令軒車遲  
衰疾悲夙昔

洗兵馬

原注收京後作

中興諸將收山東捷書日

一作夜一作夕

報清晝同河廣傳聞

一葦過胡危

一作鬼

命在破竹中祇殘鄴城不日得獨任

朔方無限功

郭子儀領朔方軍屢破賊拔衛州進圍鄴城

京師皆騎汗血馬

回紇

回紇以驍騎三千助討安慶緒

饒肉葡萄宮已喜皇威清海岱常

思仙仗過崆峒

涼山在平涼縣西

三年笛裏關山月萬國兵前草

木風成王

廣平王倣

功大心轉小郭相

中書令闕子儀

謀深一作猷古

來少司徒

李光弼加檢校司徒

清鑒懸明鏡尚書

王思禮遷兵部尚書氣與

秋天杳二三豪俊為時出整頓乾坤濟時了東走無復

憶鱸魚南飛覺有安巢

一作技

鳥青春復隨冠冕入紫禁

一作駕

正耐煙花繞鶴禁通霄鳳輦備雞鳴問寢龍樓

一作

蛇曉攀龍附鳳勢

一作世

莫當天下盡化為侯王

加封蜀郡靈武

元從功臣肅宗獨厚郭提李輔國輩

汝等豈知蒙

一作象

帝力時來不得誇

身強關中既留蕭丞相

謂杜鴻漸肅宗至平涼鴻漸悉錄軍資儲膺上之上喜曰靈武

吾之關中卿乃蕭何也

幕下復用張子房

時張鎬代房琯為相故下專言之

張公

一生江海客身長九尺鬚眉蒼徵起適遇風雲會扶顛

始知籌策良青袍白馬更何有後漢今周喜再昌寸地

尺天皆入貢奇祥瑞爭來送不知何國致白環復道

諸山得銀甕隱士

謂李泌時求歸衡山

休歌紫芝曲詞人解

一作角

撰河清

一作清河

頌時揚炎輩爭獻靈武受命鳳翔出師頌之類

田家望望惜雨

乾布穀處處催春種淇上健兒歸莫嬾城南思婦愁多

夢安得壯士挽天河淨洗甲兵長不用

留花門

甘州東北千餘里有居延海又北三百里有花門山堡又東北十里至回紇牙

帳肅宗還西京葉護辭歸奏曰回紇戰兵留在沙苑今歸靈夏取馬更為陛下收范陽餘孽

北門

一作北方一作花門

天驕子飽肉氣勇決高秋馬肥健挾矢



射漢月自古以為患詩人厭薄伐修德使其來羈縻固

不絕胡為傾國至出入暗金闕中原有驅除隱忍用此

物公主

寧國公主妻  
回紇可汗

歌黃鵠君王指白日連雲屯左輔

百里見積雪長戟烏休飛哀笳曙

一作曉

幽咽田家最恐

懼麥倒桑枝折沙苑臨清渭泉香草豐潔渡河不用船

千騎常撒烈

一作滅沒  
一作捩

胡塵踰太行雜種抵京室花門

既須留原野轉蕭瑟

病後遇

一作過

王倚飲贈歌

麟角

一作鱗魚

鳳觜世莫識

一作辨

煎膠續弦竒自見尚看王

生抱此懷在于甫也何由羨且遇王生慰疇昔素知賤

子甘貧賤酷見凍

一作陳

餒不足耻多病沈年苦無健王

生怪我顏色惡答云伏枕艱難徧瘡瘍三秋孰可忍寒

熱百日相交戰頭白眼暗坐有肌肉黃皮皺命如綫惟

生哀我未平復為我力致美殽膳遣人向市賒香粳喚

婦出房親自饌長安冬菹酸且綠金城土酥靜如練兼

求富

一作蓄

豪

一作蓄豕

且割鮮密沽斗酒諧終宴故人情義

一作晚誰似令我手脚輕欲漩一作旋老馬為駒信一作總

不虛當時得意況深眷但使殘年飽喫飯只願無事常

相見

湖城東遇孟雲卿復歸劉顥宅宿宴飲散因為

醉歌

蔡本題上有冬末以事之東都七字孟雲卿河南人與元結杜甫輩相友善

疾風吹塵暗河縣行子隔手不相見湖城城南一作北

一開眼駐馬偶識雲卿面向一作沉非劉顥為地主嬾回

鞭轡成高

一作城南

宴劉侯歎

一作歎

我携客來置酒張燈促

華饌且將款曲終今夕

一作經今冬

休語

一作話

艱難尚酣戰

照室紅爐促曙光

一作曙一作花

紫窗素月垂文

一作秋

練天開

地裂長安陌

一作春

寒盡春生

一作紫陌春寒

洛陽殿豈知驅車

復同軌可惜刻漏隨更箭人生會合不可常庭樹雞鳴

淚如綫

一作霰

閩鄉姜七少府設膾戲贈長歌

姜侯設膾當嚴冬昨日今日皆天風河凍未漁

一作取魚一作作

黃河美魚一作黃河味魚不易得鑿冰恐侵河伯宮饗人受

魚鮫人手洗魚磨刀魚眼紅無聲細下飛碎一作素雪有

骨已剝平聲春蔥偏勸腹腴媿年少輒炊香飯一作梗

緣老翁落碁何曾白紙濕放箸未覺金盤空新歡便飽

姜侯德清觴異味情屢極東歸貧一作質路自覺難欲別

上馬身無力可憐為人好心事於我見子真顏色不恨

我衰子貴時悵望且為今相憶

戲贈閔鄉秦少公一作翁一作府唐短歌

去年行宮當一作守太白朝回君是同舍客同心不減骨

肉親每語見許文章伯今日時清兩京道相逢苦覺人情好昨夜邀歡樂更無多才依舊能潦倒

一作傾倒

李鄠縣丈人胡馬行

丈人駿馬名胡騮前年避胡

一作賊

過金牛回鞭却走見

天子朝飲漢水暮靈州自矜胡騮奇絕代乘出千人萬人愛一聞說盡急難材轉益愁向鴛鴦頭上銳耳批秋竹脚下高蹄削寒玉始知神龍別有種不比俗

一作凡

馬空多肉洛陽大道時再清累日喜得俱東行鳳臆龍

鱗一作鬚一作鱗 未易識側身注目長風生

義鵲宋刻諸本皆有行字

陰崖有蒼一作鷹養子黑柏顛白蛇登其巢吞噬一作

恣一作資朝餐雄飛遠求食雌者鳴辛酸力強不可制黃

口無一作寧半存其父從西歸一作求翻身入長煙斯須領

健鵲痛一作冤憤一作憤懣寄所宣斗上捩孤影噉一作無聲來

九天修鱗脫遠枝巨額圻老拳高空得蹭蹬短一作茂草

辭蜿蜒折尾能一掉一作擺飽一作飢腸一作今已一作以

皆穿生雖滅衆雖死亦垂千年物情有報復快意貴目

前茲實鷲鳥最急難心炯

一作皎

然功成失所往

一作用在

舍何其賢近經滴水渥此事樵夫

一作人

傳飄蕭覺素髮

凜欲

一作烈

衝儒冠人生許與

一作計有

分只在

一作亦存顧盼

間聊為義鵲行用

一作永

激壯士肝

畫鵲行

一作畫雕

高堂見生

一作老

鵲颯爽動秋骨初驚無拘攣

一作卷

何得

立突兀乃知畫師妙功

一作巧

刮造化窟寫作

一作此

神駿



姿充君眼中物烏鵲滿膠枝軒然恐其出側腦看青霄  
寧為衆禽沒長嗣如刀劒人寰可超越乾坤空崢嶸粉  
墨且蕭瑟緬思一作想雲沙際自有煙霧質吾今意何傷  
顧步獨紆鬱

瘦馬行

一作老馬

東郊瘦

一作老

馬使我傷骨骼

一作骸

碑兀如堵牆絆之欲

動轉歌側此豈有意仍騰驤細看六

一作火

印帶官字

監牧

馬右膊皆印官字

衆道三

一作官

軍遺路旁皮乾剝落雜

一作盡

泥

渾毛暗蕭條連雪霜去歲奔波逐餘寇驂騑不慣不得

將士卒多騎內廐馬惆悵恐是病乘黃當時歷塊誤一

蹙委棄非汝能

一作難

周防見人慘澹若哀訴失主錯莫

無晶

一作精

光天寒遠放雁為伴

一作侶

日暮不

一作未

收作

衣烏啄瘡誰家且養願終患更試明年春草長

新安吏

原注收京後作雖收兩京賊猶充斥朱長孺曰以下諸詩皆乾元二年自華州

之東都道途所感而作

客行新安道喧呼聞點兵借問新安吏縣小更無丁府

帖

一作符

昨夜

一作日

下次選中男

天寶三載制百姓年十八為中男

行中

男絕短小何以守王城肥男有母送瘦男獨伶俜白水

暮東流青山猶

一作聞

哭聲莫自使眼枯收汝淚縱橫眼

枯即

一作却

見骨天地終無情我軍取

一作一作至

相州日夕

望其平豈意賊難料歸軍星散營

九節度國鄴日久軍無統帥且乏食史思

明自魏來救戰於安陽官軍潰郭子儀斷河陽橋保東京

就糧近故壘練卒依舊京

掘壕不到水牧馬役亦輕

此下俱言子儀留守事

況乃王師順撫

養甚分明送行勿泣血

一作垂泣

僕射如父兄

子儀因滴水之敗從司徒

降右  
僕射

潼關吏

安祿山兵北哥舒翰請堅守潼關明皇聽揚國忠言力趣出兵翰撫膺慟哭而

出兵至靈寶潰關遂失守

士卒何草草築城潼關道大城鐵不如小城萬丈餘借

問潼關吏修關

一作築城

還備胡要我下馬行為我指山隅

連雲列戰格飛鳥不能踰胡來但自守豈復憂西都丈

一作大人視要處窄

一作穿

狹容單車艱難奮長戟萬

一作千

古用一夫哀哉挑林戰百萬化為魚請囑防關將慎勿

一作  
莫學哥舒

石壕吏

陝縣有石壕鎮

暮投石壕村有吏夜捉人

如延切見烈女頌

老翁踰牆走老婦

出門看

一作看門一作首

吏呼一何怒婦啼一何苦

聽婦前致

詞三男鄴城戍一男附書至

一作到

二男新戰死存

一作在

者且

一作是

偷生死者長已矣室中更無人惟

一作所

有乳

下孫有孫

一作孫有

母未去出入

一作更

無完帑

一作便出見孫母未

完

老嫗力雖衰請從吏夜歸急應河陽役

李光弼與郭子儀相繼守

城河陽猶得備晨炊夜久語聲絕如聞泣幽咽天明登前

途獨與老翁別

新婚別

兔絲附蓬麻引蔓故一作固不長嫁女與征夫不如棄路

旁結髮為妻子

一作妻子一作君妻

席不煖君牀暮婚晨告別無

乃太忽忙君行雖

一作既

不遠守邊赴

一作戍

河陽妾身未

分明何以拜姑嫜父母養我時日

一作月

夜令我藏生女

有所歸雞狗

一作犬

亦得

一作相

將君今

一作生

往死

一作死

生地

沈痛迫中腸誓欲隨君去

一作往

形勢反蒼黃勿為

一作改

新婚念努力事戎行婦人在軍中兵氣恐不揚自嗟貧

家女久致

一作此

羅襦裳羅襦不復施對君洗紅妝仰視

百鳥飛大小必雙翔人事

一作生

多錯迕與君永相望

### 垂老別

四郊未寧靜垂老

一作死

不得安子孫陣亡盡焉用身獨

完投杖出門去同行為辛酸幸有牙齒存

一作好

所悲骨

髓

一作肉

乾男兒既介冑長揖別上官老妻臥路啼歲暮

衣裳單孰知是死別且復傷其寒此去必不歸還聞勸

加餐土門

井陘口名土門八陘之一

壁甚堅杏園

汲縣有杏園鎮土門杏園皆在河北

度亦難勢異鄴城下縱死時猶

一作獨

寬人生有離合豈

擇衰老

一作盛

端憶昔少壯日遲回竟長歎萬國盡征戍

一作東征

烽火被岡巒積屍草木腥流血川原丹何鄉為樂

土安敢尚盤桓棄絕蓬室居塌然摧肺肝

無家別

寂莫天寶後園廬但蒿藜我里百

一作萬

餘家世亂各東



西存者無消息死者為

一作委

塵泥賤子因陣敗歸來尋

舊

一作故

蹊人

一作久

行見空巷

一作室

日瘦氣慘悽但對狐

與狸豎毛怒我啼四鄰何所有一二老寡妻宿鳥戀本

枝安辭且窮棲方春獨荷鋤日暮還灌畦縣吏知我至

召令習鼓鞞雖從本州役內顧無所攜近行止一身遠

去終轉迷家鄉既盪盡遠近理亦齊永痛長病母五年

委溝谿生我不得力終身兩酸嘶人生無家別何以為

黍黎

夏日歎

夏日出東北陵天經

一作經天陵

中街

即中道黃道所經也

朱光徹厚

地鬱蒸何由開上蒼久無雷無乃號令乖雨降不濡物

良田起黃埃飛鳥苦熱死池魚涸其泥萬人尚流冗舉

目唯蒿萊至今大河北化

一作盡

作虎與豺浩蕩想幽薊

王師安在哉對食不能餐我心殊未諧眇然貞觀初難

與數子偕

謂長孫房魏之流

夏夜歎

永日不可暮炎蒸毒我

一作中

腸安得萬里風飄飄吹我

裳昊天出華月茂林延踈光仲夏苦夜短開軒納微涼

虛明見纖毫羽蟲亦飛揚物情無巨細自適固其常念

彼荷戈士窮年守邊疆何由一洗濯執熱互相望竟夕

擊刁斗喧聲連萬方青紫雖被體不如早還鄉北城悲

笳發鵲鶴號且翔況復


一作懷

煩促倦激烈思時康

### 立秋後題

日月不相饒節序昨夜隔玄蟬無停號秋燕已如客平

生獨往願惆悵年半百罷官亦由人何事拘形役



御定全唐詩卷二百十七

欽定四庫全書

集部

御定全唐詩卷二百十九

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官中書臣鮑之鍾

謄錄監生臣黃譽

欽定四庫全書

御定全唐詩卷二百十八

杜甫

賔阮隱居

昉

陳留風俗衰人物世不數塞上得阮生迴繼先父祖

謂阮

籍咸貧知靜者性自一作白益毛髮古車馬入鄰家蓬蒿

翳環堵清詩近道要識子一作字用心苦尋我草徑傲寒

裳跼寒雨更議居遠村避喧甘猛虎足明箕穎客榮貴

如糞土

遣興三首

下馬古戰場四顧但茫然風悲浮雲去黃葉墜

一作墮

我

前朽骨穴螻蟻又為蔓草纏故老行歎息今人尚開邊

漢虜互勝負

一作失約

封疆不常全安得廉恥

一作頗

將三軍

同晏眠

高秋登塞

一作寒

山南望馬邑州降虜東擊胡壯健盡不

留穹廬莽牢落上有行雲愁老弱哭道路願聞甲兵休

鄴中事反覆

一作何蕭條

死人積如丘諸將已茅土載驅誰

與謀

豐年孰

一作既一作亦

云遲甘澤不在早耕田秋雨足禾黍已

映道春苗九月交顏色同日老勸汝衡門士勿悲尚枯

槁時來展材力先後無醜好但訝鹿皮翁忘機對芳

一作

荒一作芝草

昔遊

昔謁華蓋君深求洞宮脚

一作綠袍崑玉脚

玉

一作人棺已上天



白日亦寂

冥一作

莫暮升艮岑

峰一作

頂巾几猶未却弟子

四五人入來淚俱落余時遊名山發軔在遠壑良覲違

夙願含淒向寥廓林昏罷幽磬竟夜伏石閣王喬下天

壇微月映皓鶴晨溪嚮

一作響

虛駛

一作駛

歸徑行已昨豈

辭青鞋胝悵望

一作惆悵

金七藥東蒙赴舊隱尚憶同志樂

休

一作伏

事董先生

憶昔行所謂衡陽董鍊師也

于今獨蕭索胡為客

關塞道意久衰薄妻子亦何人丹砂負前諾雖悲鬢

一作作

鬚髮變未憂筋力弱扶

一作杖

藜望清秋有興入廬霍

幽人

孤雲亦羣遊神物有一

一作識

所歸麟

一作靈

鳳在赤霄何當

一作嘗

一來儀往與惠荀

一作詢

朱長孺曰

舊注惠昭荀

玉惠遠許詢俱謬

甫逸詩中有

送惠二過東溪詩云空谷滯斯人

與此詩滄洲意相合詢或其名也

輦中年滄洲期天高

無消息棄我忽若遺內懼非道流幽人見

一作在

瑕疵洪

濤隱語笑

一作笑語

鼓枻蓬萊池崔嵬扶桑日照耀珊瑚枝

風帆倚翠蓋

一作嗽

暮把東皇衣咽漱元和津所思煙霞

一作霧

微知名未足稱局促商山芝五湖復浩蕩歲暮有

餘悲

未懷李泌時  
泌隱衡山

佳人

絕代有佳人幽居在空山

一作谷

自云良家子零落依草

木關中昔喪敗

一作亂

兄弟遭殺戮官高何足論不得收

骨肉世情惡衰歇萬事隨轉燭夫婿輕薄兒新人已

一作

美如玉合昏尚知時鴛鴦不獨宿但見新人笑那聞舊

人哭在山泉水清出山泉水濁侍婢賣珠回牽蘿補茅

屋摘花不插髮

一作髻  
一作鬢

采柏動盈掬

一作握

天寒翠袖薄

日暮倚修竹

赤谷西崦人家

赤谷在秦州西南七十里  
曹劉戰此谷水盡亦故名

躋險不自喧

一作宣  
一作安

出郊已清目溪回日氣暖徑轉山

田熟鳥雀依茅茨藩籬帶松菊如行武陵暮欲問桃花

一作  
源宿

西枝村尋置草堂地夜宿贊公土室二首

出郭眇細岑披榛得微路溪行一流水曲折方屢渡贊  
公湯休徒好靜心迹素昨枉霞上作盛論巖中趣怡然

共携手恣意同遠步捫蘿澀先登陟巘眩反顧要求陽

岡暖苦陟

一作步一作涉

陰嶺互惆悵老大藤沈吟屈蟠樹卜

居意未展杖策回且暮層巔

一作天

餘落日草蔓已多露

天寒鳥已歸月出人

一作山

更

一作已一作以

靜土室延白光松

門耿踈影躋攀倦日短語樂寄夜永明然林中新暗汲

石底

一作泉

井大師京國舊德業天機秉從來支許遊興

趣江湖迴數竒謫關塞道廣存箕潁何知戎馬間復接

塵事屏幽尋豈一路遠色有諸嶺晨光稍矇眊更越西

南頂

寄贊上人

一昨陪錫杖卜鄰南山幽年侵腰脚衰未便陰崖秋重

岡北面起竟日陽光留茅屋買

一作置

兼土斯焉心所求

近聞西枝西有谷杉叅

一作漆即叅

稠亭午頗和暖石

一作沙

田又足收當期塞

一作寒

雨乾宿昔齒疾瘳衰回虎穴上

面勢龍泓頭柴荆具茶茗選

一作選

路通林丘與子成二

老來往亦風流

太平寺泉眼

招提憑高岡疎散草莽出泉枯柳根汲引歲月古石

間一作門見海眼天畔縈水府廣深丈尺間宴息敢輕侮

青白二小蛟幽姿可時覩如絲氣或上爛熳為雲雨山

頭到山下鑿井不盡土取供十方僧香美勝牛乳北風

起寒文弱藻舒一作勝翠縷明涵客衣淨細蕩林影趣何

當宅下流餘潤通藥圃三春濕黃精一食生毛羽

夢李白二首

李白卧廬山永王璘反迫致之璘敗坐繫尋陽獄長流夜郎久之得

釋

死別已吞聲生別常惻惻江南瘴癘地逐

一作遠

客無消

息故人入我夢明我長相憶恐非平生魂路遠

一作迷不

可測魂來楓葉

一作林

青魂

一作夢

返關塞黑君今在羅網

何以

一作似

有羽翼落月滿屋梁猶疑照

一作見

顏色水深

波浪闊無使蛟龍得

浮雲終日行遊子久不至三夜頻夢君情親見君意告

歸常局促苦道來不易江湖多風波

一作多風

秋舟楫恐失



墜出門搔白首若

一作苦

負平生志冠蓋滿京華斯人獨

顛顛孰云網恢恢將老身

一作才

反累千秋萬歲名寂莫

身後事

有懷台州鄭十八司戶虔

天台隔三江

一作江海

風浪無晨暮鄭公縱得歸老病不識

路昔如水

一作作天

上鷗今如

一作為

置中免性命由他人

悲辛但狂顧山鬼獨一脚蝮蛇長如樹呼號傍孤城歲

月誰與度從來禦魑魅多為

一作被

才名誤夫子嵇阮流

更被

一作遭

時俗惡海隅，微小吏眼暗。髮垂素黃帽，映

一作

鳩杖

青袍，非供折腰具。平生一杯酒，見我故人遇。相望

無所成，乾坤莽回互。

遣興五首

黃雀本以陶潛賀公孟浩然三首入龐德公一首後

蟄龍三冬臥，老鶴萬里心。昔時賢俊人，未遇猶視今。嵇

康不得死

一作且不死

孔明有知音，又如壠底

一作壠底

松用舍

在所尋，大哉霜雪幹，歲久為枯林。

昔者

一作在昔

龐德公，未曾入州府。襄陽耆舊間，處士節獨

一作猶 苦豈無濟時策

一作術

終竟

一作歲

畏羅

一作罪

呂林茂

鳥有歸水深魚知聚舉家依

一作隱

鹿門劉表焉得取

我今日夜憂諸弟各異方不知死與生何況道路長避

寇一分散飢寒永相望豈無柴門歸

一作婦

欲出畏虎狼

仰看雲中雁禽鳥亦有行

蓬生非無根漂蕩隨高風天寒落萬里不復歸本叢客

子念故宅三年門巷空悵望但烽火戎車滿關東生涯

能幾何常在羈旅中

昔在洛陽時親友相追攀送客東郊道遨遊宿南山煙  
塵阻長河樹羽成準間回首載酒地豈無一日還丈夫  
貴壯健慘戚非朱顏

遣興五首

朔風飄胡雁慘澹帶砂礫長林何蕭蕭秋草萋更碧北  
里富熏天高樓夜吹笛馬知南鄰客九月猶絺綌

長陵銳頭兒出獵待明發

一作解

弓金爪鐫白馬蹴微

雪未知所馳逐但見暮光滅歸來懸兩狼門戶有旌節

漆有用而割膏以明自煎蘭摧白露下挂折秋風前府

中羅舊尹沙道尚依然赫赫蕭京兆今為時所憐

京兆尹蕭

吳與鮮于仲通輩皆為宰相私人故云

猛虎憑其威往往遭急縛雷吼徒咆哮枝撐已在脚忽

看皮寢處無復晴閃爍人有甚於斯足以勸

一作戒

元惡

朝逢

一作逆

富家葬前後皆

一作見

輝光共指親戚大總麻

百夫行送者各有死不須羨其強君看束練

一作縛

去亦

得歸山岡

遣興五首

黃雀本以我今日夜憂蓬生非無根昔在洛陽時三首入地用莫如馬後

天用莫如龍有時繫扶桑頓轡海徒涌神人身更長性命苟不存英雄徒自強吞聲勿復道真宰意茫茫

地用莫如馬無良復誰記此日千里鳴追風可君意君看渥洼種態與駑駘異不雜一作在蹄齧間逍遙有能事

陶潛避俗翁未必能達道觀其著詩集頗亦恨枯槁達生豈是足默識蓋不早有子賢與愚何其挂懷抱

賀公雅吳語在位常清狂上疏乞骸骨黃冠歸故鄉爽

氣不可致斯人今則亡山陰一茅宇江一作淮海日淒涼

吾憐孟浩然裋褐即長夜賦詩何必多往往凌鮑謝清

江空舊魚

一作舊魚美

春雨餘甘蔗每望東南雲令人幾悲

吒

前出塞九首

草堂本前出塞編入天寶未亂以前在京師作諸本皆與後出塞同

編前出塞為徵秦隴之兵赴交河而作後出塞為徵東都之兵赴薊門而作也

戚戚去故里悠悠赴交河公家有程期亡命嬰禍羅君

已富土境開邊一何多棄絕父母恩吞聲行負戈

出門日已遠不受徒旅欺骨肉恩豈斷男兒死無時走

馬脫轡頭手中挑青絲捷下萬仞

一作丈

岡俯身試塞旗

磨刀嗚咽水水赤刀傷手欲輕腸斷聲心緒亂已久丈  
夫誓許國憤惋復何有功名圖麒麟戰骨當速朽

送徒既有長遠成亦有身生死向前去不勞吏怒嗔路

逢相識人附書與六親哀哉兩決絕不復同

一作問

苦辛

迢迢萬餘里領我赴三軍軍中異苦樂主將寧盡聞隔

河見胡騎倏忽數百羣我始為奴僕

衛青奮於奴僕

幾時樹功



勲

挽弓當挽強用箭當用長射人先射馬擒賊

一作寇

先擒

王殺人亦有限列

一作立

國自有疆苟能制侵陵豈在多

殺傷

驅馬天雨雪軍行入高山徑危抱寒石指落曾冰間已

去漢月遠何時築城還浮雲暮南征可望不可攀

單于寇我壘百里風塵昏雄劍四五動彼軍為我奔虜

其名王歸繫頸授轅門潛身備行列一勝何足論

從軍十年餘能無分寸功衆人貴苟得欲語羞雷同  
原有鬪爭況在狄與戎丈夫四方志安可辭固一作困窮

後出塞五首

男兒生世間及壯當封侯戰伐有功業焉能守舊丘  
召募赴薊門軍動不可留千金買馬鞭一作鞍 百金裝刀頭

閭里送我行親戚擁道周班白居易上列酒酣進庶羞少  
年別有贈含笑看吳鉤

朝進東門營

一作營門

暮上河陽橋落日照大旗馬鳴風蕭

蕭平沙列萬幕部伍各見招中天懸明月令嚴夜寂寥

悲笳數聲動壯士慘不驕借問大將誰

天寶二年祿山入朝進驃騎大

將恐是霍嫖姚

古人重守邊今人

一作日

重高勲豈知英雄主出師

一作

直

長雲六合已一家四夷且孤軍遂使貔

一作螭

虎

一作武

士奮身勇所聞拔劒擊大荒日收胡馬羣誓開玄冥北

持以奉吾君

獻凱日繼踵兩蕃靜無虞漁陽豪俠地擊鼓吹笙竽雲

帆轉遼海梗稻來東吳越羅與楚練照耀輿臺軀主將

位益崇氣驕凌上都邊人不敢議議者死路衢

初祿山逆節漸

露有言其反者明皇輒  
縛送之遂無敢言者

我本良家子出師亦多門將驕益愁思身貴不足論躍  
馬二十年恐辜明主恩坐見幽州騎長驅河洛昏中夜  
間道歸故里但空村惡名幸脫免窮老無兒孫

### 別贊上人

百川日東流客去亦不息我生苦

一作若

漂蕩何時有終

極贊公釋門老放逐來上國還為世塵嬰頗帶顚色

楊枝晨在手豆子雨

一作雨

已熟是身如浮雲安可限南

北異縣逢舊友

一作交

初忻寫眉臆天長關塞寒

一作遠

歲

暮飢凍

一作寒

遍野風吹征衣欲別向曛

一作昏

黑馬嘶

一作作

鳴思故握歸鳥盡歛翼古來聚散地宿昔長荊棘相看

俱衰年出處各努力

萬丈潭

原注同谷縣作潭在縣東南七里一本此詩編入七歌後發同谷縣前

青溪合

一作含

冥莫神物有顯晦龍依積水蟠窟壓萬丈

內跼步凌垠堦

一作鄂

側身下煙靄前臨洪濤寬却立蒼

石大山色

一作危

一徑盡崖

一作岸

絕兩壁對削成根虛無

倒影垂澹瀨

一作對

黑如一

一作為

灣濼底清見光炯碎

孤雲

一作峰

倒來深飛鳥不在外高蘿成帷

一作帳

幄寒木

累

一作壘

旌旆遠川曲通流嵌竇潛洩瀨造幽無人境

發興自我輩告歸遺恨多將老斯遊最閉藏修鱗蟄出

入巨石

一作小

礙何事

一作當

暑

一作炎

天過快意風雨

一作雲

會

兩當縣吳十侍御江上宅

兩當水出大散嶺西南流入故道川縣以

水名吳侍御名郁以言事被謫家居兩當

寒城朝煙澹山谷落葉赤陰風千里來吹汝江上宅鷗  
雞號枉渚日色傍阡陌借問持斧翁幾年長沙客哀哀  
失木狖矯矯避弓翮亦知故鄉樂未敢思夙昔昔在鳳  
翔都共通金閨一作門籍天子猶蒙塵東郊暗長戟兵家  
忌間諜此輩常接跡臺中領舉劾君必慎剖析不忍殺  
無辜所以分白黑上官權許與失意見遷斥仲尼甘旅

人向子識損益朝廷非不知閉口休歎息

一本仲尼一聯在朝廷一

聯下余時忝諍臣丹陛實咫尺相看受狼狽至死難塞責

行邁心多違出門無與適於公負明義惆悵頭更白

發秦州

原注乾元二年自秦州赴同谷縣紀行

我衰更嬾拙生事不自謀無食問樂土無衣思南州漢

源十月交天氣涼如

一作如涼

秋草木未黃落況聞山水

一作

東幽栗亭

同谷有栗亭鎮

名更佳下有良田疇充腸多薯蕷崖

蜜亦易求密竹復冬笋清池可方舟雖傷

一作云

旅寓遠



庶遂平生遊此邦俯要衝實恐人事稠應接非本性登

臨未銷憂谿谷無異石

一作名

塞田始微收豈復慰老夫

一作大惘

一作炯

然難久留日色隱孤戍烏啼滿城頭中宵

驅車去飲馬寒塘流磊落星月高蒼茫雲霧浮大哉乾坤內吾道長悠悠

赤谷

天寒霜雪繁遊子有所之豈但歲月暮重來未有一

一作亦未

期晨發赤谷亭險艱

一作難

方自茲亂石無改轍我車已

載脂山深苦多風落日童穉飢悄然邨墟迥煙火何由  
追貧病轉零落一作飄零故鄉不可思常恐死道路永為高  
人嗤

鐵堂峽

鐵堂山在天水縣東  
五里峽有鐵堂莊

山風吹遊子縹緲乘險絕峽形藏堂隍壁色立積一作精

鐵徑摩穹蒼蟠石與厚地裂修纖無垠一作限竹嵌空一作作

孔太始雪威遲哀壑底徒旅慘不悅一作徒懷  
松柏悅水寒長

冰橫我馬骨正折生涯抵弧矢盜賊殊未滅飄蓬踰三

年回首肝肺熱

鹽井

鹽井在成州長道縣有鹽官故城

鹵

鹽池也

中草木白青

一作直

者官

一作青

鹽煙官作既有程

煮鹽煙在川汲井歲掇掇

一作掇

出車日連連自公斗三

百轉致斛六千君子慎止足小人苦喧聞我何良歎嗟

物理固自

一作亦固然

寒硤

行邁日悄悄山谷勢多端雲門轉絕岸積阻霾天寒寒

硤不可度我實

一作貧

衣裳單況當仲冬交沂沿增波瀾

野人尋煙語行子傍水餐此生免荷父未敢辭路難

### 法鏡寺

身危適他州勉強終勞苦神傷山行深愁破崖寺古嬋

娟碧鮮

一作蘇

淨蕭緘寒籜聚回回

一作洄洄

山

一作石

根水冉

冉松上雨洩雲蒙清晨初日翳復吐朱薺半光炯戶牖

梁可數挂

一作杜

策忘前期出蘿已亭午冥冥子規叫微

徑不復

一作敢取

青陽峽

塞外苦厭山南行道

一作登路

彌惡岡巒相經互雲水氣參

錯林迴硤角來天窄

一作穿

鉾面削礧西五里石奮怒向

我落仰看日車側俯恐坤軸弱魑魅嘯有

一作有狂

風霜霰

浩漠漠昨憶

一作憶昨

踰隴坂高秋視吳岳

肅宗在鳳翔改汧陽縣吳山為

西東笑蓮華卑北知崆峒薄超然侔壯觀已謂殷

一作隱

寥廓突兀猶趁人及茲歎

一作谷

冥莫

一作漠

龍門鎮

龍門鎮在成縣東後改府城鎮

細泉兼輕冰沮洳棧道濕不辭辛苦行迫一作追此短景

急石門雪雲

一作雲雷隘

一作古鎮峰巒集旌竿暮慘澹風

水白刀濕胡馬屯成隼防虞此何及

言安史兵屯成隼而置戍於此道里

遙遠不相及

嗟爾遠戍人山寒夜中泣

### 石龕

熊羆哮我東虎豹號我西我後鬼長嘯我前猱又啼天

寒昏無日山遠道路迷驅車石龕下仲冬見虹蜺伐竹

一作木

者誰子悲歌上

一作抱

雲梯為官采美箭五歲供梁

齊苦云直幹

一作奇

盡無以充

一作應

提携柰何漁陽騎颯

颯驚烝黎

積草嶺

原注同谷縣界

連峰積長陰白日遮隱見颼颼林響交慘慘石狀變山

分

一作外

積草嶺路異明

一作鳴

水縣旅泊吾道窮

一作東

衰

年歲時倦卜居尚百里休駕投諸彥邑有佳主人情如

已會面來書語絕妙遠客驚深眷食薇不願

一作厭

餘茅

茨眼中見

泥功

一作公

山

貞元五年於同谷西境泥公山權置行成州

朝行青泥上暮在青泥中

青泥嶺在興州

泥濘

一作穽

非一時版

築勞人功不畏道途

一作路

永乃

一作反

將

一作及此

汨沒同白

馬為鐵驪小兒成老翁哀猿

一作孫

透却墜死鹿力所窮

寄語北來人後來莫怱怱

鳳皇臺

原注山峻不至高頂方輿勝覽鳳皇臺在同谷縣東南十里二石如闕漢有鳳

皇來棲故名

亭亭鳳皇臺北對西康州

武德初置

西伯今寂莫鳳聲亦悠



悠山峻路絕蹤石林氣高浮安得萬丈梯為君上

一作居

上頭恐有無母雛飢寒日啾啾

一作啾

啾我能剖心出

一作血

飲啄慰孤愁心以當竹實炯然無

一作忘

外求血以當醴

泉豈徒比清流所貴

一作重

王者瑞敢辭微命休坐看綵

翮長

一作舉

舉

一作縱

意八極周自天銜瑞圖

一作圖

飛下十

二樓圖以奉

一作獻

至尊鳳以垂鴻猷再光中興業一洗

蒼生憂深衷正

一作止

為此羣盜何淹留

乾元中寓居同谷縣作歌七首

有客有客字子美白頭亂

一作短

髮垂過

一作兩

耳歲拾橡

栗隨狙公天寒日暮山谷裏中原無書

一作主

歸不得手

脚凍皴皮肉死嗚呼一歌兮歌已

一作獨

哀悲風為我從

天

一作東來

長鑱長鑱白木柄我生託子以為命黃精

一作獨

無苗山

雪盛短衣數挽不掩脛此時與子空

一作同

歸來男呻女

吟四壁靜嗚呼二歌兮歌始放鄰

一作閭

里為我色惆悵

有弟有弟在遠

一作各

方三人各瘦何人強生別展轉不

相見胡塵暗 天道路長東 飛駕鵝鵝後 鶯鷦安得送我置

汝旁 嗚呼三歌兮 歌三發 汝歸何處收

一作取

兄骨

有妹有妹在鍾離 良人早歿諸孤癡 長淮浪高蛟龍怒

十年不見來何時

一作遲

扁舟欲往箭滿眼 杳杳南國多

旌旗 嗚呼四歌兮 歌四奏 林猿

一作竹林

為我啼清晝

四山多風溪水急 寒雨

一作風

颯颯枯樹

一作樹枝

濕黃蒿古

城雲不開白

一作玄

狐跳梁黃狐立 我生何為在窮谷中

夜起坐萬感 集嗚呼五歌兮 歌正長 魂招不來歸故鄉

南有龍兮在山湫古木龍從枝相樛木葉黃落龍正蟄

蝮蛇東來水上遊我行怪此安一作寒敢出拔劍欲斬且

復休嗚呼六歌兮歌思一作怨遲遲溪壑為我回春姿

男兒生不成名身已老三一作十年飢走荒山道長安鄉

相多少年富貴應湏致身早山中儒生舊相識但話宿

昔傷懷抱嗚呼七歌兮悄終曲仰視皇天白日速

發同谷縣

原注乾元二年十二月一日自隴右赴劔南紀行

賢有不黔突聖有不煖席況我飢愚人一作夫焉能尚安

宅始來茲山中休駕喜

一作嘉

地僻柰何迫物累一歲四

行役

夏發華州冬離秦州十一月發同谷

忡忡去絕境杳杳更遠

適停驂龍潭雲回首白

一作虎

崖石臨岐別數子握手淚

再滴交情無舊深

一作雖無舊深

一作雖舊情深

知窮老多慘感平生

嬾拙意偶值棲遁跡去住與願違仰慙林間翮

木皮嶺

嶺在同谷河池二縣間黃巢亂王鐸置闕於此以扼秦隴路極險阻

首去聲路栗亭西尚想鳳皇邨季冬攜童

一作幼

穉辛苦赴

蜀門南登木皮嶺艱險不易論汗流被我體祁寒為之

暄遠岫

一作垣

爭輔佐千巖自崩奔始知五岳外別一作更

有一

一作見

他山尊仰干

一作看

塞大明俯入裂厚坤再聞虎

豹鬬屢跼風水昏高有廢閣道摧折如短

一作斷

轅下有

冬青林石上走長根西崖物秀發煥若靈芝繁潤聚金

碧氣清無沙土痕憶觀崑崙圖

一作墟

目擊懸圃存對此

欲何適默傷垂老魂

白沙渡

屬劍州

畏途隨長江

即嘉陵江

渡口下絕岸差池上舟楫杳窅入雲

漢天寒荒野外日暮中流半我馬向北嘶山猿飲相喚

水清石礧礧沙白灘漫漫迴

一作脩

然洗愁辛多病一踈

散高壁抵欽峯

一作峯

洪濤越凌亂臨風獨回首攬轡復

三歎

水會

一作回

渡

山行有常程中夜尚未安微月沒已久崖傾路何難大

江動

一作當

我前洶若溟渤寬篙師暗理楫歌笑輕波瀾

霜濃木石滑風急

一作烈

手足寒入舟已千憂陟嶮仍

萬盤迴

一作眺  
迴一作出

積水

一作石

外始知衆星乾遠遊令

人瘦衰疾慙加餐

飛仙閣

飛仙嶺在略陽東南徐佐卿化鶴於此故名上有閣道百間總名連雲棧

土

一作出

門山行窄微徑緣

一作徑  
微上

秋毫棧雲闌千峻梯

石結構牢萬壑歌疎林

一作竹

積陰帶奔濤寒日外澹泊

長風中怒號歇鞍在地底始覺所歷高往來雜坐臥人

馬同疲勞浮生有定分飢飽豈可逃歎息謂妻子我何

隨汝

一作雨

曹



五盤

七盤嶺在廣元縣北一名五盤伐道盤曲有五重

五盤雖云險山色佳有餘仰凌棧道

一作閣

細俯映江木

疎地僻無網罟水清反多魚好鳥不妄飛野人半巢居

喜見淳樸俗坦然心神舒東郊尚格鬪巨

一作臣

猾何時

除故鄉有弟妹流落隨丘墟成都萬事好

一作在

豈若歸

吾廬

龍門閣

龍門山在利州縣谷縣東北八十里一名蔥嶺有石穴高數十丈故號龍門他

閣雖險尚附山腰微徑可緣此獨石  
壁斗立虛鑿石孔架木為道尤險絕

清江下龍門絕壁無尺土長風駕高一作白浪浩浩自太

古危途中縈盤

一作紫盤道

仰望垂綫縷滑石敵誰鑿浮梁

裊相拄目眩隕雜花頭風吹過

一作飛

雨百年不敢料一

墜那得取飽聞

一作知

經瞿塘足見度大庾終身歷艱險

恐懼從此數

石櫃閣

石關橋在縣谷縣北一里自城北至大安軍界營關橋閣共一萬五千三百一

十六間最著者石櫃龍門

季冬

一作冬

日已長山晚半天亦蜀道多早

一作草

花江間

饒奇石石櫃曾波上臨虛蕩高壁清暉回羣鷗暝色帶  
遠客羈棲負幽意感歎向絕跡信甘孱懦嬰不獨凍餒  
迫優游謝康樂放浪陶彭澤吾衰未自安一作由謝爾性

所一作有適

桔柏渡在昭化縣

青冥寒江渡駕竹為長橋竿濕煙一作竹竿濕漠漠江永一作作

水風蕭蕭連竿動婀娜征衣颯颯急流鵝鷁散絕岸

龜鼉驕西轅自茲異東逝不可要高通荆門路闊會滄

海潮孤光隱顧眄遊子悵寂寥無以洗心胸前登但山  
椒

劒門

大劒小劒二山在劒州北二十五里全蜀外戶兩崖陡闊如門有閣道三十里

惟天有設險劒門一作閣

天下壯連山抱西南石角皆北

向兩崖崇墉倚刺畫城郭狀一夫怒臨關一作門百萬未

可傍

一作仰

珠玉

一作玉帛

走中原岷峨氣淒愴三皇五帝前

雞犬各

一作莫

相

一作自

放後王尚柔遠職貢道已喪至今

英雄人高視見霸王并吞與割據極力不相讓吾將罪

真宰意欲鏟疊嶂恐此復偶然臨風默一作點惆悵

鹿頭山

山上有關在德陽縣治北

鹿頭何亭亭是日慰饑渴連山西南斷俯見千里豁遊

子出京華

一作咸京

劍門不可越及茲險阻盡始喜原野闊

殊方昔三分霸氣曾間發天下今一家雲端失雙闕悠

然想揚馬繼起名碑兀有文

一作才

令人傷何處埋爾骨

紆餘脂膏地慘澹豪俠窟仗鉞非老臣宣風豈專達冀

公

裴寬封冀國公拜成都尹

柱石姿論道邦國活斯人亦何幸公鎮

踰歲月

成都府

翳翳桑榆日照我征衣裳我行山川異忽在天一方但  
逢新人民未卜見故鄉大江東流去

一作從東來

游子去日

一作日月

長曾城填華屋季冬樹木蒼喧然名都會吹簫間

一作奏

笙簧信美無與適側身望川梁鳥鵲夜各歸中原

杳茫茫初月出不高衆星尚爭光自古有羈旅我何苦  
哀傷

御定全唐詩卷二百十八